

Thomas Lindemann

**Programma Quo Ad Exequiale sacrum Quod Matronae honor atißimae Sophiae  
Clingiae Viri ... Joachimi Kochii Senatoris quondam huius Reip. relictæ viduæ  
pudicissimæ. Liberi eiusdem ... Orphani, eorumq[ue] consanguinei ... Omnes  
omnium ordinum cives Academicos officiose invitat**

Rostochi[i]: Pedanus, 1632

<http://purl.uni-rostock.de/rosdok/ppn747405328>

Druck Freier  Zugang



17  
Lindeman, Th.,  
in S. Clinge,  
uxor. J. Koch.  
R. 1632.

1

ℓ

OPHIA CLINGIA



PROGRAMMA

Quo  
Ad Exequiale sacrum,

Quod  
Matronæ honoratissimæ

SOPHIAE CLINGIAE

Viri prudentissimi

JOACHIMI KOCHII

Senatoris quondam hujus Reip.  
relictæ viduæ pudicissimæ.

Liberi ejusdem mæstissimi Orphani, eorumq; consanguinei,  
hodie ad horam mediam primam adornatum  
exerunt


Omnes omnium ordinum cives Acad.  
eos officiose invitât.

RECTOR

Academiæ Rostochiensis

THOMAS LINDEMAN

J. U. D. & Professor.



ROSTOCHI

Typis JOACHIMI PEDANI Acad. Typ.  
ANNO M, DC, XXXII.



SOPHIA CLINDIA

1707



ROSTOCK



RECTOR  
Academiae Rostochiensis  
THOMAS LINDEMAN  
J. U. D. & P. P.



Tregna & Respublicas, ita  
& familias certis circumscribi  
periodis, easq; in majoribus re-  
giminibus 500: in familijs, secu-  
lari spatio definiri, viri docti  
tradunt. Causas harum muta-  
tionum multi scrupulosè & su-  
perstitiosè scrutantur, multi  
admirantur. Verum ij in sacris, Angelo Uriel Esdras  
inrepanante, stultis comparantur, qui maris abyssam, &  
in profundo scaturientes fontes, & cavernas seu came-  
ras Æoli rimari frustra conantur. Jehova enim mundi  
uti creator, ita ponderator, temporumq; mensurator  
est, uti Jeremiel angelus cum describit, addens, hanc  
mensuram intervertere, extendere, incidere, nec intel-  
ligere quemquam posse. Esdr. 4. v. 5, 6, 7. & c. Esdras  
hanc humanæ gentis & mentis miseriam & hebetudi-  
nem agnoscens, & deplorans, tandem in hæc verba  
prorupit: Satius fuisset hominem planè nunquam ex-  
titisse, quam tot calamitatibus expositum mansisse, su-  
bito interire & interitus tempus, causasq; perveſtigare  
A 2 nequire



nequire. V. 12. Quid itaq; mirum Ethnicos, miserijs his-  
ce turbatos, fari Iniquitatem accusasse? Cujus exem-  
plum memorabile Herodotus nobis in vita Mycerini  
Regis Ægyptiorum reliquit, qui cum ab oraculo ob  
vitæ sanctimoniam longævitatē sibi indulgeri pete-  
ret, & Sexennium tantum impetrasset, Numen iniqui-  
tatis redarguit, hac addita causā, quod nullus majorum  
suorum tot sacrificia adolevisset, tot beneficia in subdi-  
tos contulisset, & tamen nullius vita tam angustis ter-  
minis conclusa fuisset: sed incusatione tali spreta, Ora-  
culum respondit: Fato quia resistis, ideò fari lege citius  
moriesis. Rex verò offensus, noctes diebus facibus,  
quasi amnestendo, nocturna negocia diurnis per-  
miscendo, Sexennium duplicare, atq; ita fato  
illudere tentavit, ejusdem tamen vim effugere nequijt.  
Frustraneus enim & irritus labor est, qui in Periodo-  
rum divinarum admirabili & imperscrutabili provi-  
dentia constitutarum, interruptione, interversione, vel  
transpositione collocatur. Nondum exactum est secu-  
lum, ex quo Clingiadum in hoc nobili Roseto planta-  
ta est arbor, quæ bono & felicissimo omine succrevit,  
instar palmitis uberis, patulis diffusarum se expandit,  
incrementumq; diuturnum & longævitatē durabi-  
lem nobis spondit. Verum mensis hicce Januarius  
eidem ominosus, imo exitialis existit. Is enim duos  
nobiles ramos ante paucos dies immiti mortis falce re-  
fectos excussit, *Sophiam Elisabetham Steinbrings / Dn.*  
*Consulis Bernhardi Clingij & Margaretam Clingiam.*  
*Dn. D. Henrici Scalmeisteri Cancellarij.* Conjuges, ma-  
tronarum decora, nobis eripuit. Nunc tertium aggre-  
ditur ramum, lectissimam Fœminam, *Sophiam Clingiam*  
eamq; ex Rhodante hac terrestri, veluti plantam no-  
bilissi-

bilissimam, in hortum Paradisiacum transfert. Nata est  
autem pie defuncta Anno. 1589, 10. Maij, parentibus  
in hac Republ. adeo celebratis, in superq; pluribus Pro-  
grammatibus iam ante delineatis, ut repetitione meri-  
to supersedeamus. Patrem laudavit Virum Magnifi-  
cum Dn. *Bartholomeum Clingium* Jctum, & Antecesso-  
rem celeberrimum, Illustrissimæ domus Megalespo-  
leos per multos annos Consiliarium meritissi-  
mum, pij & synceci Politici typum & nobile simula-  
rum; Matrem *Margaretam Croniam* matronarum in  
hac urbe veram Margaritam & Coronam: Avitam ul-  
teriore familiam ex *Croniorum* & *Schmidiorum* consu-  
lari & Senatoria dignitate clarorum progenis traxit.  
Fortes creari fortibus, & bonis bonos, Flaccus recte  
canit. Parentum virtus à primâ infantia se in hac quoq;  
genuina propagine exseruit. Ast soli natales parum  
profunt, si eos mores sequiores sordident; in quibus e-  
luendis & repellendis uti & impietate & timore Domi-  
ni instillando, parentes adeo sedulam impenderunt o-  
peram, ut virtutes virginales omnes in ea conjunctim  
sedem & metationem fixisse viderentur. Unde post-  
quam nubiles expleffet annos, Vir, Præstantissimus &  
Doctissimus *Joachimus Roth* *Gustrovi* Præclaris paren-  
tibus progenitus, eam decenter & honeste ambiit &  
Anno 1609 connubio sibi junxit, propriamq; dicavit:  
Cum quo pacatissimo conjugali consortio totos vigin-  
riannos suaviter, concorditer, & feliciter vixit. Nec  
verò conjunctio hæc sterilis vel infrugifera fuit: Deus  
enim novellis conjugibus clementer & largiter bene-  
dixit, & septem liberorum parentes fecit: *Margaretha*  
*Christiani, Joachimi, Bartholomei, Johannis Friderici, So-*

*phia, Hieronimi*. Quorum duo, *Margareta & Bartholomeus*, matrem antevortendo, ad beatorum *πλιτυα* præmigrarunt. In superstitibus piè & probè educandis omnes vires mater sedula intendit, ijsq; ab ætate infantili præceptores præfecit. Rectè namq; statuit, parentibus plus gratiæ pro recta liberis inculcata vivendi ratione, quam pro ipsa vita deberi; Hæc namq; spiritum tautum subministrat, Illa verò Organon Deo & hominibus salutare & utile exhibet. Quo nomine Philippus Rex Macedoniae felicem filium Alexandrum ob institutionem Aristotelicam prædicabat. Porro *Oeconoma* erat industria simul & *οικσεα*. Marito in rebus adversis Nepèthes Homericum propinabat, eo omnes tristitiæ nebulas dispellebat, animumque Gratiarum pharmacis tranquillabat. Deniq; vinculum hocce conjugale adeo dulce erat, ut uterq; id perēne optaret. Sed aliter ejusdem autori & conciliatori Jehovæ placuit, qui immisâ implacabilis Mortis sicelice, ligamen hocce suave Anno 1629, 25. Martij dissecuit, & dimidium *Sophiæ* nostræ, maritum nimirum mellitissimum rebus humanis exemit. Casum hunc relicta vidua acerbissimè luxit, & cestum, quam sponso suo quondam obtulit, nunquam repetijt. Turtur pare extincto, alteri non jungitur: Ceyx & Halcyon eandem ex se genitis naturam impressisse leguntur. Sic *Sophia* nostra animum & cor semel marito donatum, nulli unquam redonavit; nec ulla cogitatio nuptiarum eã ad secunda vota animare potuit: sed exemplo Didonis primum amorem sepulchro maritali recondidit & quasi obsignavit. Imitata est nobilem illam Juditham, quæ gloria Israelis quod viriliter egisset, & castitatem marito vovisset, appellari

pellari meruit. Æmula fuit Annæ viduæ Phanuelis,  
quam Evangelista à viduitate casta & vacatione pre-  
cum commendat: alteram se præstitit Valeriam Messa-  
lariam, quæ de secundis, nuptijs sollicitata, *primum ma-  
ritum Sulpitium sibi semper vivere, & oculis animoq; suo obver-  
sari* respondit: & Marcellam huic haut genio dissimile,  
quæ rogata anne gauderet se nupsisse, hæc verba repo-  
suit. *Sed ita, ut amplius nolim.* Quo respiciens Publius Syr<sup>o</sup>  
dicebat: *Habere aliquid maledicti crebrò repetitas nuptias &  
Feminã multis nubentẽ, multis placere non posse.* Quod Ho-  
mer<sup>o</sup> quoq; innuit, quando virgines nubentes *νεογάς  
ἀλόχες* appellat: id vero epitheton secundo nubentibus  
detrahit. Unde Romani feminas secundis nuptijs ab-  
stinens, univiras, coronâ viduali decorabant. Ger-  
mani, Tacito teste, summis easdem laudib<sup>9</sup> evehebant.  
Talem Panegyri nostra *Sophia* jure suo quodam sibi  
vendicat. Ea enim vitam suam ad normam Paulinam.  
I. Tim. 5. composuit, vitam castam, pudicam, adeoq;  
quatenus in hominem cadit, inculpatam egit, & ob id  
vota longioris ævi sibi nuncupari hoc novo anno sæ-  
pius audijt: Sed eheu illustre virtutum *παμείον*, *Sophia*  
nostra febris ardenti occultâ correpta, 20 hujus mensis  
circa horam 9 matutinam, in medio ætatis quasi flexu  
constituta, occidit. Febres quasdam salubres & vili sub-  
jecto indignas nonnulli reputant, nec desunt, qui eas-  
dem Encomijs decorant. Rudolphus quidam Eremita  
febri se oblectabat, eaq; se recreari gloriabatur, sed ex-  
perientia febres omnes ejus esse indolis, ut homines e-  
necare possint, probat. Romanos Febri violentiam &  
potentiam variasq; agnoscentes insidias, fanum pecu-  
liare eidem veluti ignoto malo Genio, dicasse, eiq; sa-  
crificasse memoriæ proditum extat. Nostra *καταρκτη*  
febri

febri sibi à Deo immiffæ antidota, quibus medicorum  
in hac urbe excellentium opera potiri potuit, oppofuit.  
Cum verò vim morbi prævalere præfentiferet, ad  
Medicum animæ fe convertit, ex carcere hocce diffol-  
vi, & effe cum Chrifto expetijt. Ideò cæleſti Nectare  
& ambroſia animam paſtam, creatori repetenti placido  
ex hac vita tranſitu, piè reddidit. Reliquit hic quidem  
orphanos, qui matris obitum lugent, ejusq; ope fe, cum  
ea vel maximè egerent, deſtitutos lamentantur. Verum  
Deus orphanorum pater, parentes terreſtres iſtis exci-  
tabit, eorumq; auxilio ab omnibus periculis eos adſe-  
ret. Hac confiſi ſpe matri in gremio Abrahæ quieſcen-  
ti gratulari potius, quam fletibus Manes pios proſequi  
nos decet. Proindè lege 12 tabularum viris tantum pa-  
rentationes decernebantur, aſt eam ad foeminas poſt-  
modum extenſam fuiſſe Plutarchus refert. Eam certè  
*Manes* noſtra non minus quam Cloelia vel Popilia  
merebatur; aſt Manes ejuſdem modeſti, juſtis exequi-  
alibus cõtenti, eadem ſibi ſolemniter & decenter exfol-  
vi poſtulant. Iſis verò pro ritu harum eccleſiarum priſco  
agendis, cum hodierni diei hora media prima condicta  
ſit, rogo, moneo & obteſtor Academiae cives, haud  
gravatim ad pij hujns officij præſtationem frequentes  
in templo Mariano conveniant, exuvias pientiffimæ  
matronæ ad dormitorium ſuum deducant. Et illud Æ-  
gyptiorum in funeribus acclamari ſolitum pia mortali-  
tatis recordatione ingeminent, ſibiq; applicent, Heu  
Heu! nos miſeros quam tetus homuncio nil eſt. Publ.  
24. Jan. Anno 1632.














pellari meruit. Æmula fuit Annæ vi  
quam Evangelista à viduitate casta &  
cum commendat: alteram se præstitit V  
lariam. quæ de secundis, nuptijs sollicit  
ritum *Sulpitium sibi semper vivere, & oculis*  
sari respondit: & Marcellam huic haut  
quæ rogata anne gauderet se nupsisse, h  
fuit. *Sed ita, ut amplius nolim.* Quo respici  
dicebat: *Habere aliquid maledicti crebro re*  
*Feminâ multis iubentē, multis placere non p*  
mer<sup>o</sup> quoq; innuit, quando virgines nu  
*αλχης* appellat: id vero epitheton secu  
detrahit. Unde Romani feminas secu  
sinentes, univiras, coronâ viduali de  
mani, Tacito teste, summis easdem lau  
Talem Panegyrii nostra *Sophia* jure su  
vendicat. Ea enim vitam suam ad nor  
i. Tim. 5. composuit, vitam castam, p  
quatenus in hominem cadit, inculpatam  
vota longioris ævi sibi nuncupari hoc  
pius audiit: Sed eheu illustre virtutum  
nostra febri ardenti occultâ correpta,  
circa horam 9 matutinam, in medio æt  
constituta, occidit. Febres quasdam sal  
jecto indignas nonnulli reputant, nec  
dem Encomijs decorant. Rudolphus q  
febri se oblectabat, eaq; se recreari glo  
perientia febres omnes ejus esse indol  
necare possint; probat. Romanos Febri  
potentiam variasq; agnoscentes infidia  
liare eidem veluti ignoto malo Genio,  
erificasse memoriæ proditum extat.



elis,  
pre-  
essa-  
ma-  
vera-  
nilē,  
po-  
Syr<sup>o</sup>  
us &  
Ho-  
diās  
bus  
ab-  
ter-  
ant,  
sibi  
am.  
oq;  
b id  
fa-  
phia  
nsis  
exu  
sub-  
eaf-  
mita  
ex-  
esc-  
m &  
ecu-  
s fa-  
eibe  
ebri